

雲南通志

第十五册

二十一卷

地350
32
:15-



雲南通志卷之第二十一

人物鄉賢



昔晉常璩作南中志凡侏僂之族里閭之行書之惟恐或遺豈非意在風厲善雖微而必錄乎在昔兩漢之世滇人士類能以經術節義自表見降自唐宋載乘闕如歷有明而始蒸蒸蔚起夫豈啻於前而豐於後歟聲教之通塞即人才之盛衰判焉

國家治化遠敷而培植滋厚滇人士之興行且軼

雲南通志

卷之二十一

人物

前代然士先立身而後揚名歷觀古人其建功立業待顯而著若文章行誼又不待顯而彰也稽往冊而備志之矣無弗傳庶幾風厲之微旨焉耳作人物志

雲南府

漢

許叔 善闡人元和中入中國授五經歸教鄉人

唐

王仁來 安寧人河東州刺史平賦化民恩義濟

李

純 昆明人永樂甲午舉人倜儻有智畧正統中官御史巡按遼東邊功累著陞左

副都御史巡撫遼東後改巡撫榆林尤有功績邊廷賴之卒於官

楊

景

安寧人事母孝中永樂癸卯舉人初判霸州改澧州判有以失牛誣吳姓者牽

牛歸吳誣服景疑其枉陰取牛縱之郊牛奔吳氏誣者服罪秩滿擢化州州同會峒彝亂

攻城守將夜縋城以遯兵民不滿三百景激以大義皆願盡力乃撤故倉木蔽城缺又縛

藁人披衣甲置城上有三人緣堞上擒斬以徇賊引去都督歐信贈景守忠二字而置守

將於法天順庚辰以老乞致仕自度官貧鄉遠因占籍巴陵以子太傅一清貴贈如其官

張

英

字時俊郡人事母至孝正統戊午領鄉薦第一入太學時祭酒李時勉以直言

雲南通志

卷之二十一

人物

二

獲罪辱逮成均英忿且耻乃同石大用等詣闕請以身代遂蒙宥有名動京師是日郎乞歸

養學士商文毅輅贈以詩居鄉教授生徒卒年九十有四黔國武僖公禮重之

楊

一清

字應寧號石滄安寧人薦奇童為翰林秀才舉順天辛卯鄉試登成化壬辰進

士歷官右副都御史督理茶馬鹽政條上事宜多所匡濟比巡陝西修復花馬池諸要害

亭障固原警單騎馳至瓦亭會主師曹雄設伏備禦隨奉勅總制三邊經畧河套條陳脩

築增設防禦六事皆為劉瑾所格罷歸會安化王反於寧夏起用乃謂監軍張永曰寧夏

事日暮且有捷音但內變不測為可慮耳已而擒賊報果至張永驚服乃請竟內變之說

一清取永手畫瑾字永悚息不敢任一清又密授永策永一如其言武宗乃收瑾戮之

因召為戶部尚書加太子太保尋改吏部累至少傅入內閣常因災異自劾言時事失宜

朱寧等疾之乃謝病致仕嘉靖乙酉復起兵部尚書總督陝西冬詔還內閣世宗待以腹心以大禮議不合致仕尋削籍二十八年贈太傅諡文襄一清嘗自謂生於滇南長於湖南老於江南故晚號三南居士卜籍於江口丁卯橋猶不忘石淙因以為號李夢陽為之記稱其功著邊徽名顯社稷云

毛王 字用成郡人幼聰慧刻厲讀書毋喜其勤而憂其銳夜每以衣障燈弘治己酉

舉於鄉會試不第遂僦居燕市與四方名士講業者十七年乙丑成進土方修孝宗實錄奉使滇黔訪求遺事歸報命授行人考選南京禮科給事中值察典所論劾四十餘人皆洽僉論陞戶科左給事中條上備預諸策皆見採納憂歸服闋補吏科數直諫如止巡幸居庸關危詞慷慨武宗動色中貴由烏思藏往還橫索民苦無聊御史林有年論劾得罪

雲南通志

卷之二十一

人物 三

下詔獄王上疏極諫得寬旨僅奪俸更切責中貴人長沙李相國東陽嘗口用成吾畏友也大禮議起王同毛紀毛澄張元范鍾楊慎諸臣跪門哭諫世宗震怒被逐杖七十人王以六科之首劄巨痛深血肉糜爛未數日卒燕士白衣冠相率送其喪為文輓之穆宗卽位追錄其忠贈光祿寺卿所存奏議十卷俱切國是王自幼孝於繼母釋褐益謙謹至今人稱之

李資坤 字伯生昆陽人自幼以孝友聞登正德癸酉鄉薦令宜城嘉定二縣擢南京刑

部郎出為銅仁知府開渠堰復侵田均賦牒平寇亂置學租卓有成績考天下廉史第一士民感其功德為建生祠比歸置義塾不謁公府性剛介寡合言動以禮老而彌篤積書萬餘卷自號一蠹居士督學使陳善採眾議行州立祠祀於鄉賢其在仕郡邑皆崇祀名

宦
云

施昱

字子貞廣南衛人舉正德己卯鄉試第

員外郎典試山東取士多名雋及陞郎中以議國戚張延齡獄不稱旨株連落職時已陞陝西憲僉矣家居八年起補貴州僉事感惠并行士民繪像祀之瓦店驛峻嶺夾江甚難渡昱設法為巨橋覆以屋又因劾處得當欽賜銀幣值黔中大比錄交犯忌罪監臨御史波及之謫茶陵州州同歷永州判徽州郡丞丁艱服除補大名府陞湖廣僉事駐承天府百務紛沓昱一意恤民不徇時好雖見忌嫉弗顧也以擒巨寇李邦珍功賜綺幣尋晉光祿寺少卿卒於京昱孝友醇飭所著有禮經疑問藏於家

孫繼魯

字道甫郡人少負奇質書史過目不忘中嘉靖癸未進士授澧州牧以他事避

雲南通志

卷之二十一

人物

四

怒已者乞為學官得國子監助教歷戶部郎出守衛輝未幾調知淮安中貴卿命督江南織造擅作威福繼魯與之抗中貴怒譖誣密投上怒逮至京執政為之解罪止調官既免弗謝調黎平府能以德化感格叛苗擢湖廣提學副使每從帖括相士數語盡其生平合若左券晉山西左叅政分守冀南郎宗人不於法外縱又晉本省按察使宗人數百要於路發其裝惟布袍敝履他無所畜驚曰高皇帝以來罕見此官相與載酒偕士民追送之至晉益飭法約束舍人子自宗潢以及百姓咸願久仕尋晉右副都御史巡撫山西以邊事與總督翁萬達意不合為文誓於神慷慨忠義溢於言表因各陳所見交上封事時宰先萬達而後繼魯遂被誣下獄讀易賦詩矢死不折圍中無楮且以飯盃畫壁與同時得罪御史楊爵者倡和百餘首名飯盃集知公者百口直之而時宰怒不解竟以疽發卒獄

中山山西士民哭於長安者數百人穆宗登極從言官請贈兵部左侍郎諡清愍賜祭葬

嚴

清

字直甫後衛人弱冠中嘉靖甲辰進士授富順令丁母憂補邯鄲令皆以廉能

著聲辛亥徵為屯田主事陞郎中督建外城及九陵綜覈出入省費巨萬出守保定時廷議舉邊才清與焉歷陞四川右轄綜理樽節蜀庫獨贏穆宗初巡撫貴州復徙四川一切公私費悉從減省奏改金錢當輸京師者二十餘萬就近抵陝西佐邊費定番僧貢額罷有司團操蜀民稱便神宗登極之二三年再命巡撫貴州條理得宜苗蠻不聞跳梁累遷刑部尚書秉公持平屢白寃抑神宗素知清特授冢卿時癸未冬計事填委所擯斥雖閭里不少庇而引用嚴穴知名之士實多無何以勞瘁致疾四上疏乞歸又二年本兵乏人上特旨起清於家清力辭疏入上遲回久之乃許萬曆戊子特晉太子少傅歲給廩粟輿夫

雲南通志

卷之二十一

人物

五

庚寅以疾卒上悼惜之贈太子太保賜祭葬諡恭肅清性檢飭有威儀生平操行尤嚴於取予辭受居官食餼衣敝與僮僕同甘苦及為尚書舊帶敝履無改外藩之日輿疾出都門遵潞河沂大江而行置石輕舟無慙古昔先後里居皆隱於松華別業出則敝車羸馬後進造請惟以治生務學為諄諄其詩隨意興成有冰玉堂集故政府東阿于慎行刻筆塵載清遺事方馮保以罪籍沒得一冊於其家定陵披閱皆籍記朝貴往來事及書清無一字以

段

纁

字朝聘昆明人嘉靖中舉於鄉十上春官不第益發憤向學在京與周洞巖論

慎獨之旨謂本無寂靜惟動不失常者近是不得分靜存動察為二周遂造訪一時如謝高泉萬履庵締交訂盟以得見為幸纁高自標植歸田與胡廷祿遊胡雅意詩文纁曰志

於道者耻為詩文胡以詩謝之曰小子蹶蹶
生往事豈不俛諒哉衆星曜何如一片光胡
郎其居偏植衆卉曰藉此以發生意纏曰生
意豈在彼也胡遂悟隨別去及胡卒纏誅之
口始待益於外來終取足於天則自是堅卧
不出官於滇者造廬請益終不可得所居湫
隘盱江羅汝芳親
題其里曰顏巷

夏

誥字宗典郡人舉明經歷職教授自為諸
生即究心聖學然意在化誨愚民故藉
淨明忠孝倡為會而耳食者以淨明二字毀
之幾陷於罪幸見雪督學陳善素知之往弔
其毋重其人也晚益精
心性學者稱竹牖先生

范立朝

字二懷昆明人萬曆丁酉鄉試授榮陽
教諭歷陞刑部郎中讞獄無疑滯出為
陝西平涼知府府多宗人恣橫立朝以法繩
之共相服罪時韓王薨世子幼有嬖人子謀

雲南通志

卷之二十一

人物

六

爭立暮夜持金為賂立朝正色云嫡庶之禮
何可廢乎拂衣而入王妃聞之亦以多金求
為善計復奮然曰此公義曷以私為使慚謝
旋以忤給事某罷歸里家居淡泊自甘遇後
生小子必教之以禮
年八十而卒崇祀

朱運昌

字際之郡人萬曆庚辰進士為廷評薦
更北部讞獄西川上錄囚應縱者百餘

人下司寇覆議悉當遷大衆分守川西條上
錢穀畫一之制風行三川累遷福建左布政
使中貴人銜命出稅與關白多所沮抑中貴
人欲陷之乃上書乞歸即日登舟當事挽留
不得方抵里神宗特簡為右僉都御史巡按
福建凡關疆場及生民吏治者所司未及狀
達已被符令處分監司而下咸驚以為神奉
約束惟謹撫閩前後幾年朝廷嘉其功待
以異數盡瘁國事尋卒於
官上採禮官言賜御祭

傅宗龍 號括蒼昆明人萬曆庚戌進士初任四

州巡按征安逾有功晉太僕寺卿隨陞薊遼

總督兵部侍郎轉戶部以諫言忤旨罷職崇

禎十一年復起四川巡撫尋加兵部右侍郎

後加兵部尚書又言事下獄十五年陞陝西

總督征流寇李自成屢破賊兵後

軍潰被執守義不屈死之諡忠壯

趙 譔 昆明舉人性端方有勇力初授黔龍泉

縣時有白蓮教倡亂盜蜂起苗蠻乘間

作亂譔率勇士剿平邪教撫順苗蠻又於上

元夜設劇張燈誘賊入城調勇士數人執銅

錘擊死羣盜四十五人以卓異擢御史崇禎

十七年闖賊陷京師脅譔不屈罵賊而死

本朝

虞世瓔 字虞山昆明人由薦辟授光祿寺署丞

歷官通政司右叅議精工書法供奉內

廷蒙寵顧二十一年致仕奉

旨給驛歸里年八十六卒

東漢

尹 珍 字道直牂牁郡毋斂人桓帝時自以生

於荒裔不知禮義願從汝南許慎應奉

受經書圖緯學成還鄉里教授於

是南域始有學焉官至荊州刺史

晉

謝 恕 字茂理牂牁郡毋斂人咸和間寧州為

李壽所破有南中地惟恕不從獨保郡

城以事晉官至撫彝

中郎將寧州刺史

傅 寶 字紀圖牂牁郡平彝人仕至尚

書郎安長令時號南中人傑

明

張

璵

字廷璧曲靖平彝人成化己丑進士授南刑部主事歷官員外郎中以明允著

遷重慶知府郡中翕然大治丁外艱復補重慶弘治初南贛閩廣彝彝寇為亂陞江西兵備副使既至治城池積糧糗練士卒脩器械設險隘建七縣城堡人皆稱便與當事論不合拂衣遂行盜復起巡撫鄧廷瓚奏南贛不可一日無璵特詔留之遂築南康城盜賊聞風解散尋以疾辭歸璵剛正不阿盤錯立斷墨吏歛手比歸橐中蕭然

唐時英

字子才郡人嘉靖己丑進士授平陽令問民疾苦惟賦稅不均遂銳志履畝凡

六閱月清吏得其平又疏陂塘興水利明年大旱民得以濟陞戶部主事歷郎中擘畫詳盡為大司農所器重知真定府有水鏡之頌歷官巡撫陝西籌邊有功御書忠勞二字賜

雲南通志

卷之二十一

人物

八

之致政歸置義莊周貧衣布茹淡卒屢予葬祭從祀

朱家民

郡人萬曆丙午京舉會試副榜初守涪州陞潮州府卓有政聲遷貴州監軍道

副使剿安賊建城十七座并創盤江鐵索橋滇黔利涉爭陞布政使屢著治績及平寇有功特進一品服廕二子世襲指揮歸里好義節儉情篤鄉黨吏置府會館於省城脩萬卷樓積書凡有志之士皆養於其中人咸頌之

臨安府

明

張

隆

字伯興建水人正統間由國子生授杭州府知事以廉能被薦歷陞本府知府

有濬湖築堤功入覲治行為天下第一天順間聞母訃計奔歸廬於墓側有孤兔馴伏之異

人以爲
孝感云

羅

珣字用誠臨安衛人成化丙戌進士爲刑部郎中出知桂林府時西延陽洞諸蠻

出劫興全珣檄州縣簡練民兵潛扼山口躡殺幾盡諸蠻歛迹自是不敢窺興全

張西銘

字希載寧州人海之子幼穎異博學中成化乙未進士授江西金谿知縣縣多

豪猾下車致其尤者庭誨之人皆感化會撫州饑諸屬枹鼓數起獨金谿人相戒勿爲盜縣有虎啣人蝗食稼爲文禱於神患遂息以治行徵拜河南道御史巡按遼東治城塹核軍實再按蘇松發粟賑荒所活甚衆常熟民錢氏爲怨家誣以不軌銘召訊其屬無實狀送京果得白後督學畿輔士類心服著有鶴軒集

楊

僎建水人嘉靖丙戌進士官吏科給事中疏靖難諸忠節事留中不報時論多之

雲南通志

卷之二十一

人物

九

仕至參議居鄉以德稱

萬文彩

臨安衛人嘉靖戊戌進士令富順成安兩邑老成練達祛弊節冗兩邑尸祝之

擢南戶科給事中彈劾不避權要疏禦堵馬市皆切中邊計出爲貴州參議賑饑民擒妖賊陞四川威茂兵備退吐蕃之寇邊賴以安告歸日娛書史淡泊無營年九十卒祀鄉賢

蕭崇業

建水人隆慶辛未進士識度弘遠生平無疾言遽色以庶常授兵科給事歷戶

工二垣先後封事數十上禁侈靡開泃河効欺弊調驛傳奉使冊封琉球歸報命晉兵科都給事歷官南都察院右僉都御史以母養告歸尋卒賜祭塋

包見捷

字汝鈍郡人幼穎異八歲時太守錢試以七言詩應聲而對錢奇之登萬曆己

丑進士選庶常爲董其昌焦竑等所推重轉禮科給事中歷陞戶科都給事萬曆間遣中

貴分出榷稅採金每中旨出輒力諫章凡十餘上詞意激切上震怒將逮治政府挽回始薄責降貴州布政司都事癸丑始詔入爲戶部主事遷尚寶卿尋晉太僕寺在朝公卿以捷熟於典憲凡大議輒就諮詢多所匡濟出撫江右戢宗人練軍實甄流品特簡吏部侍郎明年入京師護喪之慶陵病卒詔贈工部尚書賜祭葬

澂江府

蜀漢

李

恢

字德昂建寧俞元人任郡督郵太守董

和貢恢於州未至與先王遇於綿竹先王嘉之遣恢交好馬超成都既定先王領益州牧以恢爲功曹書佐先王簿遷別駕從事章武元年庾降都督鄧方卒先王問恢誰可代者恢對曰人之才能各有長短孔子曰其使

雲南通志

卷之二十一

人物

十

人也器之且夫明主在上則臣下盡情是以先零之役趙克國曰莫若老臣臣竊不自揆惟陛下察之先王笑曰孤之本意已在卿矣遂以恢爲庾降都督使持節領交州刺史先王薨雍闓等叛丞相亮南征先由越雋恢按道向建寧諸寇圍恢於昆明時恢軍少又未得亮聲息緝南人曰官軍糧盡欲還吾久斥鄉里乃令得旋不能復北欲還與汝等同計謀故以誠告南人信之稍解嚴恢伺懈出擊大破之追至盤江接牂牁與亮聲勢相連南土平定恢軍功居多封漢興亭侯加安漢將軍後軍還南彝復叛殺害守將恢往招討鋤盡惡類徙其惡帥於成都出耕牛戰馬金銀犀革克繼軍資建興七年領建寧太守還居本郡徙居漢中九年卒子遺嗣恢弟子球羽林右都督隨諸葛瞻拒鄧艾兵敗死於綿竹

明

楊以成

路南人以明經為貴陽府通判分署畢

二年水藺交閔成潛具蠟書告變滇撫發兵西援至畢節賊兵圍衛城以成督滇兵與戰却之已而賊兵大集滇兵遠來勞逸多寡勢不相敵成知事不濟令吏懷印乘夜取逕路走貴州自以死守當賊鋒未幾城陷成投繯不死賊擁逼人營成無變志賊遂殺其家口十三人獨其弟以榮不死成又將賊中情形函竹付榮復入滇告變行至散納溪為賊所獲得其書遂併以成殺之官僕同死者十五人黔中丞以聞請贈官恤其後廕一子錦衣世襲建祠祀之

廣西府

明

雲南通志

卷之二十一

人物

十一

楊繩武

字念爾彌勒州人偉貌洪聲兼資文武以選貢中崇禎辛未會試由庶吉士授

監察御史巡鹽河東浚鹽池完逋課值歲大饑設粥濟民存活甚眾妖賊以白蓮聚眾捕獲首惡其黨立解巡按河南土賊郭三海聚眾數萬率兵擒之截殺流寇不敢犯境遂自河南回京條陳數事召封平臺稱旨擢僉都御史巡撫順天駐遵化時流寇猖獗懷宗以勦賊任之晉兵部侍郎總督軍務賜尚方劍繩武治兵有法汛地無虞復命旋京會松山告警廷推赴援再令督師繩武時病劇輿疾行至豐潤卒年四十有六上聞震悼贈光祿大夫太子少傅兵部尚書予祭葬廕一子世襲錦衣千戶

大理府

漢

盛

覽

字長通，樸榆人。從學於司馬相如。所著賦有賦心四卷，相如答書云：「詞賦者合綦組以成文，列錦繡而為質。一經一緯，一宮一商，此賦之跡也。賦家之心，包括宇宙，總覽人物，斯乃得之於內，不可得而傳。」

張

叔

樸榆人。天資穎異，過目成誦。元符間，聞司馬相如至，若水負笈從之，授經歸教鄉人。

晉

龐

遺

秀才，樸榆人。咸和二年，李特據蜀，李雄寇建寧，遺起義兵攻雄，雄遯走。

唐

段宗勝

南詔清平官。師于國伐緬，緬求援於南詔，宗勝救之。勝知南詔主老子世隆幼

雲南通志

卷之二十一

人物

十一

權臣楊苴，顛恣擅恐，其篡奪因請重其事，權得專生殺許之。乃限七日，齊軍統矢苴，顛子違限立斬。以狗既入緬，敗獅子兵。緬王酬以金寶，不受。惟取佛舍利歸至騰越。聞南詔主死，苴顛篡立。宗勝與苴書云：「王崩子幼，聞公攝位國家之福，曩援緬獅子國不戰而潰，緬王酬我佛舍利，宜率國人迎之。境上苴顛得書，服龍衣，執金爐，陳儀衛出迎。舍利甫下拜，即斬之，歸國求世隆立焉。」

明

楊南金

字本重，鄧川人。弘治己未進士，授江西泰和令。民有三不動之謠，以刁惡財力

權豪也。及擢御史，值逾瑾縱恣，其黨為總憲。凌轢諸御史，南金遂拂衣歸。是日，郎行二百里，瑾聞之，竟追不及。除其籍，嘉靖間詔起者，宿晉湖廣僉事。又晉參議，乞骸骨歸鄉閭。

之年八十卒提學胡堯時
造其廬恤其孤作祠祀之

楊士雲

字從龍太和人弘治辛卯鄉試第一中
丁丑進士授翰林院庶吉士改給事中

以病辭歸里其貧自樂環堵蕭然與諸弟友
愛手不釋卷所著有皇極天文呂律咏史諸
集

李元陽

字仁甫太和人嘉靖丙戌進士授庶吉
士文譽甚都會以永嘉旨出翰林習吏

事知江陰縣有循良績召入為御史遇事敢
言如止輦承天詰奸東朝當世推重巡按閩
中墨吏望風解綬遇文墨士雖布衣亦優禮
之薦舉者逸林富馬鳴衡等都試監臨所得
士皆極一時之選程文一出其手持正不阿
為當事所重會以扈從出知荊州府築堤捍
江民鑄碑志德尋罷歸家居四十餘年精研
理學所著心性圖說與羅念菴王龍溪相印

雲南通志

卷之二十一

人物

三

可其為詩文勁爽瀟灑南克任忠齊瀚謂中
谿晚年之學如霜清歲晏萬象森嚴長松在
壑剝落英華收斂神氣復歸其根也壽九十
無疾而終所著有中谿漫稿存藁艷雪臺詩
等書行於世

趙汝濂

字敦夫太和人嘉靖壬辰進士選庶吉
士為考功主事內察時總憲謂御史某

某應調曰數官未聞過蹟曰稍欠風力曰考
察摘過豈宜斥無過之官耶總憲唯唯郎署
魏某者端人也尚書欲黜之力爭得免事竣
疏將上趙文華在黜中冢宰曰趙某者內閣
倚信決不可黜公曰趙某不黜則無可黜之
官其剛直如此晚擢都御史諤諤有大臣節
致仕家居益敦內行不治產業營一草
庵匾曰覺真推俸與弟兄族人同之

李東

字震甫太和人隆慶辛未進士知際壯
縣成都有親王租稅地諸宗人與邑人

及傍邑人爭畔結訟多掣肘又臺司郡長往來應酬民疲奔命襲習頑梗素為難治東親事期月種種治辦上官翕然稱之彭縣有子殺父獄人重其事命往讞盡得逆狀當事猶鄭重不敢決時恤部使取囚復驗忽震雷擊囚死益訟其神明灌口故有分封茶山藩邸人侵界牟利久不能決東躬履其地博訪獨斷遂成定案詔為御史諸所論劾皆大奸奉命督修乾清宮羣閣奉約束上嘉其功賜金幣丁毋艱歸服闋巡按嶺西肅吏安民禦彝平獄時有寨彝之警言粵撫意在用兵東曰小醜不足煩斧鉞宜招降解散及得代當再入楚自念楚相國里也於相國稱門下士不委蛇為媚則徑直為沽遂乞身引退抵家益事闇修崇尚正學有詔搜括遺直廷議稱其名御史宜還詔下郎上書言保身致平之術當宁霽顏受之未幾擢南寺乃連章請老隱於點蒼麓趙用贊謂震甫文宗愚谿詩法少陵

雲南通志

卷之二十一

人物

古

理學師白沙咸得其秘

艾自修

鄧川人萬曆庚子舉人性孝友任知縣多惠政制歸廬墓六載手植松柏地溢孝泉應聘講學奉旨旌曰當代名儒其兄自新以選貢入成均卒業亦為理學宗望

永昌府

蜀漢

呂

凱

字季平永昌不常人仕郡五官掾功曹時雍闇等聞先主薨驕黠滋甚都護李嚴與闇書六紙解喻利害闇但答一紙其詞倨尋又降於吳永昌在益州西與蜀隔絕而郡太守素改易凱與府丞王伉帥吏民拒闇闇移檄永昌意在迫脅答以檄詞旨嚴正由是恩威內著為郡中所信故能全其節及丞相亮南討闇為高定部曲所殺亮至南中表

奏凱伉等執忠絕域十有餘年雍閩高定偏其東北而凱等守義不與交通臣不意永昌風俗敦直乃爾以凱為雲南太守封陽遷亭侯會彝叛遇害子呂祥晉太康中遷南彝校尉其後子孫三世為永昌太守李雄破寧州諸呂獨不附舉國固守世稱其賢

明

楊

元

字務本郡人潛心理學終日靜默頓悟邵子先天數學人有叩者言無不驗為諸生卒業太學歸隱居不仕甘貧樂道從學者甚眾當路重其人函饋之無所受或封識藏待其去任返之所著有納甲圖九圭數學

張志淳

字進之郡人成化庚子鄉試第一甲辰進士弘治間授吏部文選主事歷陞選郎遵執掌公輿論用賢拔滯門無請謁與天台黃元昭先後齊名正德初擢太常少卿提

雲南通志

卷之二十一

人物

十五

督四譯館懲入館子第空名之弊俾舊習一變時論多之晉南戶部右侍郎尋致仕晚年以圖書自娛所著有南園集西銘通南園漫錄永昌二芳記諸書年八十一而卒

戈允禮

保山人天啓壬戌進士初任麻城縣令弊絕風清邑人比之召父擢戶科給事轉吏科彈劾不憚權貴忠言讜論畧無回曲歷南京府尹陞工部侍郎著有四書正眼知儒管見楚志載名宦

本朝

王弘祚

字懋自號玉銘永昌人中崇禎庚午鄉試歷官戶部郎中督餉大同

世祖

定鼎擢岢嵐道復留大同理餉務再歲以才能召仍官戶部郎中是時天下初定圖籍散失弘祚精於典故善強記凡直省州郡錢糧之數皆綜核不忘戶部特疏委修賦役全書

一準萬曆間法例書成上之

世祖皇帝勅諭頒行天下用是加太僕寺少卿遷左右侍郎俄晉尚書加太子少保旋加太子太保

世祖皇帝御南苑召問天下錢穀出入之數弘祚對中肯綮

世祖嘉悅尋議謂安民生必首絕私徵講強兵則首嚴冒餉至水旱災傷則蠲恤宜速催科期會則程限宜寬語甚明暢時滇南初入版圖上籌滇條議十餘事及聞父母訃音疏乞回籍終制

世祖慰留以墨線視事辛丑歸雲南營葬事皆荷郵典予諭祭事竣還朝改刑部尚書未幾復調戶部會星變求直言上疏剴切會有主裁州縣存留與變漕糧官運為民運者弘祚固爭不得遂以兩議上命如其指無何以失察吏胥當報罷今

上悉弘祚忠詔留守補兵部尚書庚戌乞休疏再

雲南通志

卷之二十一

人物

六

上得請馳驛給俸至金陵感疾疏辭俸不允上居秦淮之上以恬淡自怡數年卒

賜祭葬諡曰端簡子瑜工部員外郎瑄和州知州從子璋澤州守皆以蔭補

鶴慶府

明

趙德宏

字有容郡人正德丙子舉人累官慶府長史孝友謙恭事父遠以孝聞及歿哀

毀骨立徒跣借傭人肩柩以歸既葬廬墓三年有白犬護墳馴鳥巢樹之異知府汪標聞之親至墓所慰贈有加巡按唐龍奏聞榜其居曰孝子趙氏之門所至以清白稱刑順慶日郡有疑獄三事久不決宏一訊立白洗其冤者十餘人及知潼川曠緩悉令輸粟得粟

萬八千石明年大饑死者枕藉獨潼川得免又重興建圮城措置有方暮月而竣民不知

勞潼人爲立祠祀爲左史時撫輯彝人常却金八百及歸行李蕭然包御史大節以禮存問爲立孝廉坊郡人因名其里曰孝廉村

彭

富

字仲禮郡人嘉靖壬戌進士授崑山令入爲戶兵二部主事出守紹興以廉操薦異等入覲上慰勞有加親賜聯云帝近春長在官清樂有餘歷黔副使參政按察轉四川左右布政先後平李富征十寨討建越均徭役寬權稅平出納所在以功德著四年巡撫貴州節束鎮靜彝漢帖然尋致仕歸家無厚產蔬食敝袍恬然自適而性剛介不妄言笑有古人風

楊棟朝

劍川人萬曆癸丑進士居禮科時值魏璫禍起屢疏抗劾不避斧鉞削奪歸里後起補吏科遷光祿寺卿其劾璫奏疏載在明史與楊左爭光焉

雲南通志

卷之二十一

人物

七

段高選

劍川人萬曆己未進士任巴縣有循聲會辛酉奢酋集兵渝州一切治辦俱選經理比從上官點閱見酋有叛心陰令吏歸印於署與父汝元訣及奢酋倡獮衆官駭散選獨躡踵大呼不去酋知選廉明戒勿殺選罵賊不絕口遂死於亂斧中變聞父汝元母劉氏側室徐氏及子楊女泥金相繼死於署僕段黑子挺身赴演武場索選尸亦死之至崇禎初選長子暄叩閣賜諭塋祭諡恭節勅建昭忠祠以祀之段黑子均從祀焉

蒙化府

明

雷應龍

字孟升弘治甲子舉孝廉第一正德戊戌進士授莆田知縣條行八禁皆切時宜巨璫督貢方物甚橫力折之至均徭平賦築堤堰毀淫祠大愜民心爲御史奉勅巡鹽

兩淮政暇引諸生講正學江都祠堂歲久圯壞檄有司新之因災異疏八事曰務實學親大臣放宮人去無益正禮教改編發宥罪謫均賦役世宗嘉納尋有中貴乞織造得請公又屢疏極論不報憤鬱而卒

鄉賢

雲南府

蜀漢

孟

孟 琰 朱提人建興三年諸葛孔明南征收用豪傑為官屬舉琰仕至輔漢將軍

唐

張志誠

善闡人大和中入都學右軍書甚得其妙南中士人競從之

雲南通志

卷之二十一

鄉賢

六

元

張景雲

字天祥郡人優於理學能文章授登仕郎

明

李忠

初名特郡人洪武中選貢入監宣見便殿賞賚甚厚賜名忠中應天癸酉鄉試

登進士任陝西鳳翔知縣威惠兼濟有循吏風

洪

洪 誠 字克敬郡人少厲志行永樂辛卯解元登戊戌進士累官四川順慶知府所至

皆以廉明稱

段

段 鑑 字至明郡人永樂辛卯薦舉宣德間任四川嘉定知州斷獄如神陞廣東惠州

知府卒於官兩地立祠

楊

益

安寧人字用謙永樂間以貢入太學先是明成祖夜夢赤龍扈從若扶掖之狀次日視朝畢徧察臣班無朱衣者益時以國子生隨朝因天寒著赤氈衣於監衫內上見大悅欲以卿貳八座待之冢臣謂非宜遂授兵科給事中歷陞工科左右給事申上常詔與對奕時以手撫之恩遇篤至洎仁宣二朝乃出守漢中又調繁成都多惠政告歸從祀

鄉賢

趙

璧

字蘭完昆明人成化壬戌進士歷官郎中太監蔣宗誣奏南科後湖不法事行璧勘直之宗奏璧右科道左遷吉安通判歷四川副使所之多善政後乞歸著茶花譜及

詩文集

李宗泗

字希顏昆明人儻有智畧幼從父李應宦籍於彭山成化甲午舉於蜀辛丑

雲南通志

卷之二十一

鄉賢

九

成進士授池州府推官以廉能著績陞南廣西道御史有丰裁時馬政多弊宗泗一一肅清之遷辰沅兵備又調山東僉憲弘治戊午曲阜聖廟災撫臣陳璘疏入命重建俾泗董其事廟成賜金幣尋陞江西按察司副使會長河等洞賊攻掠郡邑泗出奇設伏屢以捷聞勞瘁過甚年五十七卒於官廉使張賓副使邵寶布政林泮楊守隅等為文以挽之崇

祀鄉賢

李宗儒

字希雍昆明人幼穎悟留心理學登成化甲辰進士丁父艱哀毀骨立廬墓三年服闋授刑部主事以平允稱陞本部員外兄宗泗以南臺御史入覲同謁楊文忠皆目為令器後卒於官囊無餘物惟退食漫吟遺藁一帙金齒張志淳為之銘其墓

吳九功

字時叙郡人成化壬子舉人任山東僉事齊東歲饑貧民相聚為盜功單車抵

賊巢論以禍福皆感泣解散以勞瘁卒於官立祠祀之

唐

瑤

郡人成化乙未進士為西曹郎持法不以勞瘁卒於官立祠祀之

人歸稱貞碩先生

夏

暹

字景升左衛人弘治甲辰進士歷湖廣參藩兩任皆有廉名陞苑馬卿適用軍兵官以首功數十歸公却之轉廣西左布政卒於任孫較以明經典黔之畢節學三世皆

清貧

繆

白

字元素郡人弘治乙卯舉人任成都通判董師征蕃嚴戒妄殺攝司李讞獄多以豪俠為不法白廉得之欲竟其獄直指不可鬱鬱不樂後陞任麻哈州守遂不願仕請歸事母曲盡色養母歿哀戚林卧四十餘年

雲南通志

卷之二十一

三

以盛德稱及卒貧不能殮子孫稱貸以葬之今崇祀鄉賢

陳

淳

字唯素呈貢人弘治辛酉舉人江南太監冠歸督學吳鵬謂諸士曰學師當以陳為法總督伍文定建節時造其廬先是太平有疑獄淳辨之其他善政及人者多每用旃檀刻像祀焉居家以詩自娛不治產業言論篤實給諫傳良弼稱其未仕則富既仕而貧嚴於義利明於出處至今鄉人言耆舊必稱陳

澹齋先生

傅

澄

字景深郡人正德丁酉舉人任四川中江教諭歲饑捐俸為粥以濟貧窶人皆德之公素乏嗣遂舉子乃決意歸田課子後子貴贈如其官祠蜀名宦祠

王

輔

郡人正德丁卯舉人四川南部令豈弟節儉遷學得地科名之應捷焉人稱曰

古君子子廷臣遵訓著孝友聲由龍安郡丞歸以僉舉父子同日入祠

朱尹 安寧人號朗亭正德庚午舉人初任崑山學諭陞國子監助教聲傾六館守巴

州多善政歸里澹然有逸民風祀鄉賢

羅江 字孔殷嵩明人天性英敏弱冠登正德甲戌進士授建昌府推官直躬厲操抑

折豪強卒於官上民哀之祠名宦

胡廷祿 左衛人正德丁丑進士官南戶部郎中與呂涇野鄒東郭講究正學出為河南

按察副使會肅宗南巡渡河嬪舟後至逮督撫及廷祿俱削籍歸田足蹟不至公門以篇

什自娛顧應祥與同榜先後撫滇未嘗一見後遷秩去造廬促之不得已而出良久以果

酒別於家太宰嚴清云廷祿嘗往拜公庭除淨掃燕冠常服竟日無惰容每授餐四豆而

雲南通志

卷之二十一

鄉賢

三

已所著書多散逸楊光祿誄曰庚桑深居泄柳閉戶城闔如林竹松為伍

陳常道 字子中呈貢人由正德己卯舉人為學諭登嘉靖丙戌進士授富順尹蠲鹽課

賑荒民尋陞主政疏請終養服闋補陞常德守屢辨疑獄運麻陽兵餉有功陞建昌兵憲

乞歸杜門靜習手錄薛西園註參以見解多所獨契

張素 字季文安寧人生有異相登嘉靖癸未進士歷官四川巡撫都御史以才諳著

聞歸舍恬靜無營品高月旦

余應桂 字夢徵郡人嘉靖丁酉舉人幼孤事母至孝嘉靖中為灌口令保民如子採山

大役報成而民不擾蜀民頌之陞重慶同知清戎理鹺有能聲後知南康府興學正俗均

糧息盜人觀卒

周 裴字公輔楊林人嘉靖丁酉舉人選新蔡諭攝汝陽邑符救荒全活者衆今廬山

彭縣咸有惠政入名宦本州入鄉賢祠

楊秉和字節甫郡人嘉靖庚子舉人初尹臨漳却金辯獄遷汝寧會宗府奪地自益疏聞下臺臣久未決郎慷慨啓王陳利害還所奪地以歸民時稱廉能歷刑部員外郎援例

乞歸

石 銀呈貢人嘉靖庚子舉人令合江縣遷隴州知州所至以豈弟拊循其民而慝直

不善宦左遷韓府長史父老請闕上章言願借公數年又有追隨至家勸駕再出者銀答以詩竟隱於大漁村自食其力薄田敝廬之外無所增益窮約終身無慍色

張 橋字衡如郡人嘉靖己未進士授水部主政管南旺閘河刻意河防運道不滯竣

雲南通志

卷之二十一

鄉賢

三十一

事還京擢寧夏兵備僉事急葺邊墻重罰剝軍者西賊爲之捲幕尋以浮議罷歸精心墳典自六經子史旁及真詮釋典稗官小說靡不研究天才卓邁萬言騰涌有梅花懷母諸詩鄉人傳誦尤精書法至今得其隻字爭寶之

顧天祐字吉甫郡人嘉靖癸卯舉人任建始令孤城介在蠻峒歲比不登艱虞百端公

竭力保障招輯蠻黨綜覈嚴隱占邊鄙寧謐遷保寧別駕捕大盜得其盤踞之窟盜黨密投以重賄丐免却之致政歸里以經學授徒杜門講業所著浮談著說等書藏於家畫小像自爲讚謂生平無愧作事卒年八十餘

郭 斗字應秀郡人登嘉靖癸丑進士初令孝感伸疑獄得真殺人者伏其辜召爲南

戶科給事中毋憂服闋補北垣轉山西按察副使覈郵符寬民力觀察貴州安國亨構殺

罰粟而止平道途以利滇黔出入歷浙江左
轄致政歸萬曆初再起貴州尋歸田里時賦
詩作書構小樓於進耳山扁舟往來會心自
適者十餘年一夕方在吟席忽擲筆於案遂
不起

龍

施

字德敷前衛人嘉靖乙卯鄉試第一初
任峩峩嶺學諭歷任戶部郎中所在聲稱

藉甚陞河東運同以母老予養家居二十餘
年不入公門當事者屢薦不出澹然自樂著
書之外制藥濟病時視親戚有緩急輒捐資
佐之所著有露林蟬嘯心濟醫宗歸田百韻
田園雜興集字和韻林臯漫興郡
書集韻吟稿諸書及卒祀鄉賢

黃鳳翔

字冲霄郡人與其兄翔少相師友始為
諸生時下第作擬錄監臨者見而噴之

會觀風合試兄弟兢爽偶刻新碑令暗中索
模之限以五索不待五而呈其依古點畫一

雲南通志

卷之二十一

鄉賢

三

一不遺始驚異稱賞乃屢試不偶至乙卯初
場為房考所棄及取其表讀之駢麗精絕遂
驚喜以薦丙戌成進士為西曹郎尚風節有
闖宦盜宮嬪寶簪尚書唐漁石為翔座主屬
翔鞫之乃直窮其狀唐大恐為構禍端遂麾
為重慶守因訊黃總戎事執法不阿為當事
所忌拂衣歸杜門理舊業所著甚富蜀人簡
西密常問楊慎曰黃竹泉平平耳曰公無言
如竹泉者字
內未易得也

李茂陽

字三山昆明人蚤喪父事寡母至孝與
兄向陽讀書寒暑不少怠家窘甚司徒

劉輔造訪贈之金不受嘉靖癸卯甲午相繼
舉於鄉授四川南克縣諭士類多所成就遷
大足知縣縣苦盜初被獲茂陽泣謂曰爾朝
廷赤子總因我輩不能撫愛遂至此予十金
釋去暮年盜風大息會代巡將獎薦者再命出
登盤以直忤兵巡遂乞歸終養士民素德其

善政皆泣送之還里後杜門不出惟養親課子而已所著有歸來園集卒崇祀鄉賢

朱運久 安寧人隆慶元年恩貢初選陽城府通判陞提舉請告歸居鄉不輕入公府于

預時事不置田宅僮僕守法人至今稱之子組纓貢士不仕以理學鳴所著之錄多悟語

王制 昆明人隆慶丁卯舉人任思南府推官代郡守入覲凡資費皆取諸其家行取

御史例轉韶州僉事晉少參能自標植操守清潔比歸好義歲歉賑饑鄉里德之

孫繼先 字志顯郡人隆慶庚午鄉薦居喪謹守禮度筮仕興化教諭輕財愛士遷陀陵

知縣奉檄紀驗臘嶠招降賊屬三百重蒙賜金再遷土石西知州州故為思明黃獠竊據

弘治中始討之收其印付流官仍以其地轄於蠻州治荒僻流官視為畏府率寄妻孥於

太平府歲一履其地繼先始携家居之闢草萊拓城甃井奠其神人比於列郡事載粵西

雲南通志

卷之二十一

鄉賢

十四

通志中泊遷承天同知有築堤救荒之績左遷荆王長史晉中順大夫歸以古禮倡邑人

冠婚葬祭一軌於制見人服食華美常目攝之人憚其嚴有易服而見者稱篤信之儒云

李聞馨 字德華昆陽人萬曆癸酉舉人知四川新繁縣奉檄覈倉儲論罷委吏數人郡

太守有鄉曲人在論中馨奉法不顧陞茂州守左遷歸昆陽有鄉兵恒苦征調馨為白於

右轄去其籍萬曆四十八年入祀

施堯化 號泰維昆明人萬曆甲辰進士初令湘潭有巨猾善邪術詢得其情擒治之外

艱服滿補長葛地偏賦繁盡革羨耗次調光山有不逞之徒為逋逃主廉得之獷豕以清

俗多健訟以片言折之即上司左右袒不徇也他如修城池飾學宮新司馬祠宇不濡時

奏功民忘其勞權銓部悉心延訪善甄別轉驗封郎中乞歸閉戶蕭然不至公府卒祀鄉

張

薰

字伯舜歸化人萬曆丙子鄉薦掌教中州是時蒲坂楊俊民為督學謂其人與文不槩見乃優選六館國師得其詩稱賞焉歷大理司務西曹郎獄無大小靡不稱平奉命讞囚三川多所平反每與直指使相左遂罷歸後崇祀鄉賢

王希堯

字惟中郡人萬曆己卯舉人就教竹山陞鐘祥縣令捐煩苛與諸徭休息幕府嘉其尤異調藤縣在官以實心實政惠及閭閻後親老力請歸養侍眠食者十年每歲終以錢米濟鄉黨貧乏今祀鄉賢

羅大器

號滄岳安寧人萬曆壬午舉人任山海通判清屯選銳邊關倚重前後薦劾十上適值權貴高淮肆虐獨力砥柱罷歸士民攀轅載道居鄉二十餘年起用歷陞岳州知

雲南通志

卷之二十一

鄉賢

三五

府丁繼母艱歸絕蹟公門官師鄉黨雅推重之

劉文徵

字右吾昆明人由萬曆癸未進士歷任紹興知府考清廉第一民有漢明二劉之謠官至布政使致政歸里禮教甚嚴著作多傳於世前纂修通志皆其手筆也崇祀鄉賢

朱思明

字用晦昆明人萬曆己丑進士授刑部主事署本部郎中適寧夏之變神宗怒逮及軍府重臣俾思明掌其獄為具爰書一時國體賴以全焉嗣命欽恤廣東獄無冤滯累遷河南按察副使會大饑思明設法以賑全活甚眾又開漳河十餘里開封歸德一郡皆利之民感其德各建生祠陞本省右叅政管理河道時河決冲沒民居以萬計歲漕不通思明倡議開漳河二十餘里勞瘁無虛日閱四年始告竣陞廣西布政使宗人多弛縱

思明繩之以禮法洎黎賊出沒官軍多濫殺以冒功思明常詣獄清讞之至鹽政積弊盡情釐剔乞終養歸恬靜自怡足蹟不入公府惟課子而已

孫光前

邑人萬曆戊子舉人授宜良學諭入補國子監博士遷沅州知州沅為輪蹄孔道官民苦於供億力從樽節使客往來自為館餐州民以甦調嘉興通判未幾歸僅二鶴隨又以資罄粥鶴於途崇祀鄉賢

朱化孚

安寧人號岱晟萬曆壬辰進士初授行人主試黔省得王潘婁諸大臣及任兵曹凡非尺籍什伍而以虛名冒蠹者悉驅除既掌武選條選法六事抄選有法成遣有籍併序有例援納有禁雖更百曹部無能輕變其法隨有銀夏之擢錢糧必清斥嫉必謹至參黔藩止營兵之亂司楚臬稱刑罰之清告歸里乃結詩社日與親友故人為文字飲繼

雲南通志

卷之二十一

鄉賢

五

奉旨講學閩里為榮所著有賁幽吟陽城紀勝行於世

趙日亨

號貞所安寧人萬曆辛丑進士由太常博士選御史福藩之國中使驪交膳田騷動連省亨抗疏調畫得允山東歲饑民亂劫東平章丘諸邑亨奉命巡按請蠲賑撫脅從乃底定時有監司恃妻父為首輔行殊不法亨劾之并及首輔由此外轉川南兵憲值奢酋叛捐俸募死士斬叛目黃光輝率兵解省城圍晉秩賜金邛雅皆有祠祀之會以病請門人張星日師勲已勒岷峩樞撫在旦晚間何遠言歸也亨日年來中外任事者率植黨營私大亂將作每思匡救愧避踪力微忍逐流浮沉乎遂以黔左轄致仕著竊歌樓集崇禎丙子題記鄉賢

楊師程

字道南安寧人萬曆戊戌進士為楚湘陰令

訓諸考選指陳邊事按部河東清餘鹽豁商
通十餘萬條議十數上咸奉俞旨三請終養
未報而計至批廬未幾以哀卒師程慷慨有
大志言論英發文章事業炳耀當時天下莫
不知其有節敢言所著
有疏草行於世祀鄉賢

楊

鳳

字明禎安寧人萬曆甲午舉人仕蜀為
順慶別駕攝府事賑饑全活甚眾遷刺
海州築堤遏潮以通鹽舶歲省運資累鉅萬
青交饑民徙海全活以萬計招集流亡千餘
給牛種復業開墾三百餘頃報陞南康七民
遮留得請凡治海十一年薦揚者二十九紀
錄者七又取餉免民加派會部按交剡卓異
有旨優擢加四品服俸一守太原擒妖定傾
多著異政尋遷順慶太守值奢酋變練兵助
餉賊不敢窺入覲晉黔憲引疾歸以蜀功進
階鳳為人不要言笑喜愠弗形居鄉皆服其
德量黔國公以帥禮延之兩奉人才啓事堅

雲南通志

卷之二十一

鄉賢

二十七

母不出結舍葱山之畔崇祀鄉賢

劉鼎新

呈貢人自為諸生即存心利物鳳克發
難邑中亂民有思揭竿應之者倡義勇
先發擒十餘人邑民帖然歲歉常減價出糶
中已酉舉人在四川雙流縣知縣丁奢寅之
變令縣民老弱婦女匿他所獨與丁壯居守
賊至開門延入賊以為易競入其治新率僮
僕手刃二賊出伏兵與之戰賊計無所施死
於狹巷甚眾其後凡三攻之皆不能得志遂
督鄉兵援省城賊望其旗咸避之成都圍解
以功陞叙州府同知監兵攻蘭州斬渠魁魯
仲賢收招萬餘人以積勞卒於嘉州

王錫袞

祿豐人號仲山天啓壬戌進士屢官至
詹事府正詹校卜二次後予告歸里沙
途之亂起義討賊不
克被執不屈死之

馬

乾

號洛水昆明人崇禎癸酉舉人初任廣安知府政稱廉平舉進才卓異四川巡撫邵博春留署夔州府時張獻忠圍夔城凡二十餘日乾誓與城俱碎伸大義感激人心親冒矢石隨機致勝督師閣部楊嗣昌援至賊敗遁崇禎十三年題擢川東道僉事陞四川巡撫甲申帥師禦寇於內江孤軍援絕死之事聞贈兵部尚書

曲靖府

蜀漢

明

襲

建寧郡人諸葛亮平南中收其後傑為官屬習與焉官至領軍

陳

輕

字用昂郡人天順庚辰進士授刑部主事恤錄江南多所平反擢員外郎才猷

雲南通志

卷之二十一

鄉賢

三

茂著尋按察福建兼兵備邵武值倭寇報警叱馭而行卒平倭亂丁外艱哀毀骨立忠孝

篤至

胡

潔

字汝清郡人正德戊辰進士初任湖廣黃岡知縣興賢剔蠹通水利農皆有成績遷監察御史巡按直隸浙江兩省軫民憊

會漁有風裁尋以內艱歸不出晉光祿少卿倘伴山水詩文自娛每朔望必燕會同宗以示敦睦

陶

廉

字介夫郡人嘉靖己丑進士歷官九江知府有惠政卒於官崇祀名宦

莊

自勉

字子貴郡人隆慶恩貢官德陽令成都衛卒為其尉凌虐尉以事入德陽境衛

卒潛聚於仙人鎮欲殺尉縣捕兵救之得免尉反告鎮民窩盜殺人縣令不覺察徹於臺司鎮民懼罪逃匿勉如不聞徐縛衛卒十餘白其狀上下恬然民胥復業軍興輓運時值

審丁郎照丁給米運之民以不擾居鄉多德讓奉文祀鄉賢

傅遇高字克升郡人萬曆戊子舉人由宜陽學諭歷官南昌府判終養不仕著樂真蟬

鳴梅花百咏藏海探珠等集又刊

文廟通考先師聖牌崇祀鄉賢

謝得申字芳洲郡人萬曆壬辰進士初任順慶推官有直聲撫按以銓諫薦命下得申

卒奉文入

祀鄉賢

馬夢箕尋甸人萬曆己酉舉人任羅定州守陞常德知府鄉人欽其清介公舉入祀鄉

賢

朱世昌字章我曲靖人萬曆辛丑進士任舒城令有政聲晉兵禮二部主事居鄉建桂

香殿魁星閣鑄文昌像郡人舉祀鄉賢

雲南通志

卷之二十一

鄉賢

二十九

莊大化郡人萬曆己酉舉人知鄯縣秉性清介自月俸外未嘗取民一錢火耗贖緩痛

加革除署清如水至晨炊不繼晏如也六載考滿陞王府審理貧無以治歸裝士民斂金

以贈力却之留滯岳陽三載訓蒙自給

臨安府

明

楊鈞字大用寧州人元時任威楚通判後避地景東明師南征鈞勸土官歸款頌國

公上其績除通政司知事歷陞戶部郎中尋陞雲南土官叅議劉三吾稱其在官以忠居

家以孝云

張文禮寧州人志尚卓磊永樂甲申進士疏陳不習吏事乞就學職授雲南府教授

士勤勞尋乞休居鄉訓徒名士皆出其門臨安甲科自文禮始

張海

寧州人由選貢宣德己卯授揚州推官有異政擢河南道監察御史正統北狩

同于少保謙迎立景泰授福建監察御史討延平巨寇鄧茂七陞貴州廉使值苗民作亂按轡撫綏一省以安賢勞益著卒祀貴州名宦

李旺

河西人正統辛酉舉人授戎縣知縣初蒞任寇賊猖獗躬率眾擒之歿於陣事

聞贈叙州府通判賜勅褒廕有司立祠祀之

王杲

字啓昭臨安衛人成化辛丑進士任中江知縣鄒智稱其有清慎勤之風賦三

事堂詩以美之正德初陞四川參政官績懋著祀蜀名宦

王璟

字明仲建水人幼聰敏為諸生時粵人張某以謫戍放歸鬻妻為資相別慟甚

雲南通志

卷之二十一

鄉賢

三十

璟遇為贖其妻與同歸後成弘治庚戌進士授懷寧知縣興學治水以最聞徵為御史時逆瑾擅權璟抗疏力詆朝中以真御史目之後按蜀清戎伍之籍改瞿塘之路尋陞邵武知府致仕歸居鄉有禮人樂親之

張鐸

字思紹弘治丙辰進士仕南溪令擒劇賊韓積德勸永寧納溪軍民爭殺積案

咸心服遷四川僉事藍賊之亂多所招降添栢林遞運減巴州解銀官民稱便以貴州兵備副使致政歸著有東巖錄諸稿

李文中

字宗周臨安衛人弘治甲子舉人歷仕吏部主事綜理精詳土官信任陞禮部

員外議禮廷杖出為四川僉事獨裁風紀賊寇秦栢周天星猖亂奉命撫剿悉平去時民有崔李再來之謠歷固原兵備致仕

劉洙

字道源新安所人正德戊辰進士歷官都給事中在諫垣十二年以蹇諤著名

諫武宗遊畋五事肅宗端治本七事又請改新安所之地革十八寨之兵劾兵道王吳之乖法薦臨安府朱琬之廉能時議躉之里居置義田施棺藥建家塾隆慶年入祠祀

繆宗周

通海人正德辛巳進士任戶部主事以議大禮廷杖歷陞浙江左布政使所至

有宦績里居三十餘年絕跡公廷清約如寒士

吳希賢

字進夫建水人父早背事母以孝聞母病瘵希賢盡讀方書和藥跪進親持溲

穢年餘竟不起時祖母在堂慮傷其心承順備至有叔早世撫其孤女厚嫁之教於鄉門人擢高科者幾十人嘉靖丙午登賢書授渠縣令誘擒劇寇刃七輩荏苒帖然性捐介不事賄遺當事中深文罷歸居鄉益恬退和易口不言人過而有過者惟恐其知焉

雲南通志

卷之二十一

鄉賢

三

紀經綸

字肫夫臨安人純樸不妄言里稱為篤行君子嘗市一婢異而聞之曰父為百

戶曾立功以貧迫至此遂養為已女厚嫁之弟有癘疾愛護甚至後舉嘉靖甲午鄉試初令新都編縣馬以濟驛困再補上蔡開金梁渠以興民利計擒劇賊黑龍黑虎黑象等歷陞鄖陽通判襄藩長史生平志操無愧前哲

許鎡

石屏州人嘉靖乙丑進士仕監察御史有諫官詹仰庇斃於廷杖人懼權璫莫

敢近鎡伏其尸大哭上聞之乃命收葬出為江西副使剛方自持與巡按不合遂致仕歸

黃立中

郡人隆慶庚午舉人任資縣知縣適陽應龍以調遣引兵過其縣前驅者直入

其廷立中縛之龍聞止不入訴於軍府右司馬徐元泰時耿定力亟稱其賢徐遂檄應龍速發兵自是愈加約束他邑賴焉事平應龍不敢復經其地從船歸後移嶺西通判卒

王恩民

建水人隆慶庚辰進士為永川令有循聲詔試御史轉湖廣荆西右叅議時崔

家坪巨寇嘯聚往來荆門一帶無寧日恩民至廉寇踪跡除殲無遺藁人有再造之感後值故相張居正以父喪歸一時監司俱屈為趨奉恩民獨投刺迎謁弔賻如常儀張意不悅恩民竟登舟去張後諷湖廣御史論之調貴州叅議尋遷副使時有彝寇突至城下挾取在獄罪囚人情震動恩民徐取紙筆分布官兵開城出擊賊遂潰時撫按合疏薦其才器可用之九邊會以憂歸服闋補官歷福建左方伯晉巡撫右副都御史致仕歸優游林壑澹泊自甘年八十六卒

張法孔

寧州人性至孝母卒血出樞隙跪而舐之登萬曆庚辰進士授戶部郎中提督

建昌學政歷官四川左布政清操絕倫報樽刺銀三十萬以助軍餉流寇張獻忠犯成都

雲南通志

卷之二十一

鄉賢

三十一

獨守南門捐資募士夜擣賊營獻忠遂後致仕歸修學繕城蜀藩特疏薦之以太常寺卿取用為天下清官第一

譚繼統

字宗道郡人萬曆乙卯舉人與包見捷友善共為詩文倡和選元氏教諭陞國

子監助教為祭酒李廷機所重選南刑部主事尋改戶部遷貴川副使却獨山蒙氏水西安氏餽金剿平野寇阿包等崇祀鄉賢

塗時相

字揆宇石屏人萬曆庚辰進士任戶部主事有廉聲陞大名守置常平倉遍給

牛種在任五年所轄州縣積粟至數十萬朝議推為廉能第一神宗賜宴賜鏹歷官南京太僕卿閣臣張位薦其方正敏達相以告病歸家居時巡撫陳用賓以征伐議加稅克兵餉相上書力爭語甚激切人咸欽其直焉天啓元年山東道御史陳九疇刑部尚書陸光

祖奏相常平倉政績請為直省郡縣式詔令
頒行天下相所著有仕學膚言養蒙圖說二
集

陳

鑑

石屏人號虛白萬曆丁未進士仕刑部
郎陞廣西梧州太守遷左江道副使歷
官廉正有聲見端禍起致仕不就徵用見環
屏多賊土城非久遠計慨捐多金於天啓丙
寅年改土城為磚石
賊攻不克人賴以全

趙

琦

寧州人萬曆庚戌進士初授工部磚廠
員外積弊俱清陶戶戴德奉勅巡歷山
東臨清等處累官大名知府東省邪教猖獗
公預選丁壯繕器械城池未幾盜起賴公預
備得全改保定政簡刑清因卒於官殯殮不
辦巡撫遣吏資賻大學士孫承宗以狀聞欽
命馳驛歸葬入
大名保定名宦

雲南通志

卷之二十一

鄉賢

三

王士昌

寧州人中崇禎癸酉鄉試任河南泌陽
知縣時流寇猖獗練兵秣馬為守禦計
賊臨城率民兵立所募壯士夜擣賊營獻忠
引邀逾數月賊眾重圍其城救兵不至城陷
冠服懷印正坐公堂罵賊殉
難特贈光祿少卿蔭一子

澂江府

明

李

蕃

字廷茂河陽人正統戊辰進士為司徒
郎出視臨清倉及九江鈔關隄防無漏
豪吏袖手尋以親老乞歸不事生殖環
堵蕭然婚喪諸禮多從儉約鄉人化之

趙

禧

字景福河陽人與李蕃為友正統丁卯
同舉於鄉知貴州永從縣有廉惠聲丁
艱歸服闋再謁京師嘆曰祿為養也而親不
逮仕復何為遂白銓曹拂衣歸清修苦節三

十年絕跡公府

侯必登

江川人嘉靖乙未進士歷官廣東潮州

守時值倭寇擾亂之後地方多警井里為墟掠人取贖者無寧歲必登首罷一切苛條與民休息而沉幾有雄畧善得賊情竟以談笑指麾而解散之民得更生嘗以事之省經賊巢中賊聞相率羅拜肅隊前驅威德服人類此後陞布政司叅政上官有以疆事強必登委曲者曰登之頭可斷事必不可應也一時交稱之歷官皆平易得民心居鄉則恂恂焉

本朝

趙文科

郡人敦厚和易惠洽梓里以子貴封通議大夫人咸稱為隱德之報云康熙二

十八年闔郡公舉崇祀鄉賢

雲南通志

卷之二十一

鄉賢

三十四

武定府

明

楊堯年

郡人嘉靖以前郡學未設堯年發奮讀書遠寄大理府學成進士歸教鄉里讀

書者由此日盛武定人文自堯年開之

楊春震

郡人萬歷庚子舉人天性孝友辛丑不第遂就棟選親友勸以大才不宜小就

震曰吾非急功名者顧父年老異得一命備祿養耳授湖廣彝陵州知州有家居侍郎王撰者張居正姻家也挾官害民氣焰赫奕前官拱手震決意除之剪其黨羽民稱快焉聞父病自京馳歸侍湯藥衣不解帶者累月守喪哀毀骨立不用浮屠士論重之庶母第二人春霖春霽震友愛曲至相繼卒震哀悼廢寢食霽妻辛氏守節遺女一人震憐恤倍已

出事故母敬謹沒後祭塋
有禮杜門教授著述甚富

廣西府

明

楊洲 郡人正德癸酉舉人歷任國子監助教

化俗崇祀鄉賢

趙鳳翽 郡人幼穎異好學及長善事繼母人無

學諸生半從其教隨署縣事二載清正廉明
因寇警保固城池嘉靖間入名宦并祀鄉賢

李占春 郡人字載陽幼孤事兄伯春如父撫姪

妾柳氏見年少即遣還遷仁化教諭捐俸建
尊經閣崇禎間奉旨崇祀名宦并入鄉賢

雲南通志

卷之二十一

鄉賢

三十五

李士龍 郡人字化之坦直端方事後母孝讓祖

業煥弟好學善文一時諸生半出其門
官上海簿委治河渠疏水有績民立慕禹堂
肖像以祀時海盜出捕獲訊治剖決明敏署

邑事尤稱清介士民
德之比歸行李蕭然

元江府

明

施大節 郡人中永樂丁酉鄉試知交陞滇州慈

膺嘆曰豺狼不可厭也縶甲兵積糧餉
為守禦司賊勢已逼城下力屈而死

大理府

唐

楊奇鯤

標榆人有文名唐詩載一首風外波文吹又白雨中嵐影洗還清江鷗聚處窓

前見林狄啼時枕上聞

宋

高昇泰

南詔段氏臣保德侯高智升子也段氏子孫不振國人推戴立之在位二年疾

殆詔其子泰明日段氏中廢國人推我不得已從之今其子已長可還故物後人毋效尤也泰明遵遺言求段氏子正淳立之號曰後理國段氏復興

李紫琮

大理人其王段和譽命為進奉使入貢於宋過湖南聞學校文物之盛請於押

伴求詣學瞻拜聖像邵州守張察許之遂往遍謁諸生又乞觀御書舉笏叩首

元

雲南通志

卷之二十一

鄉賢

三六

楊

昇

太和人謬大超邁經史兼通至正中歷官木邦澂江鶴慶知事以討明王珍有功陞木邦路同知卒子寶為大理路通事以招諭土人授姚安路判官從征克蔚州曹州

陞大理路土官治中梁王構兵寶曰兩國相關民有供餉鋒鏑之苦極力解和土人深感其德

其德

段

福

段

曰

白人也先世為大理國王憲宗朝世祖南征誅其臣高太

祥仍以段興智主國事乙卯興智與其季父福入覲詔賜金符使歸國丙辰獻地圖請悉

平諸部立條奏法民立賦之治憲宗大喜賜興智名摩訶羅峽命悉主諸蠻棘巽等部以

福領其軍興智遂以國委任福與弟日率熒夔軍二萬為前鋒導大將兀良合台討平諸

郡攻降交州入朝興智道卒中統二年日人覲世祖復賜虎符詔領大理善闡成楚統欠

會川建昌騰越等城自萬戶以下皆受其節制至元元年舍利畏結威楚統矢善闡及三十七部諸蠻叛善闡屯守官告急日率衆進討賊大敗於威楚復遣孛羅攻賊於統矢城遂定統矢其秋舍利畏又以衆十萬謀攻大理詔日討之師至安寧擊敗舍利畏遂復善闡降威定新興進攻石城皆下之蠻部平三年日入覲鉢功賜金銀衣服鞍勒兵器十一年賽典赤更定諸路名號以日爲大理總管未幾舍利畏復叛日遣石買等詭爲商旅執贄往見挺矛撞殺之梟首於市復賜金及金織紋衣於是置郡縣署守令行賦役施政化與中州等十三年緬國擁象騎數萬掠金齒南甸欲襲大理日領騎兵千人禦之功授大理蒙化等處宣撫使十八年與其子阿慶入覲帝嘉其忠勤進大理威楚金齒等處宣慰使都元帥雷阿慶宿衛東宮陞辭拜爲雲南行中書省叅知政事十九年詔迎征緬師至

雲南通志

卷之二十一

鄉賢

三七

金齒卒子阿慶襲爵累授鎮國將軍歷金齒等處宣慰使都元帥佩金虎符

蘇

隆

字了昌中統中進士以射策爲主司稱賞蜀人楊庭爲御史過龍岡訪之贈以

詩子仁壽有敏才通諸方語仕龍關驛丞

陳

惠

事段氏至元間明王珍攻善闡梁王奔楚雄召段功救援功與珍戰得珍母書

報平安令珍成功乃還功更其詞思得人以致珍惠願往功難之惠曰吾以一身救萬人當不負但有母在耳功曰迎爾母家吾家膳吾膳無憂也惠遂持書往珍得書默然揮之出飯惠歸言狀功知珍必遜追及敗之殺其兵半至七星關大勝而返功欲官惠惠不受

明

楊

禧

郡人永樂辛卯舉人任榮經縣教諭上禧書言時政詞激切上怒繫之獄頃得釋

拜監察御史遷慶遠知府以誠信化民任滿將行民遮道泣留臺臣上其事復留三年又將行民又留如初乃以參政行府事歷十二年實授參政遂乞骸歸特晉右布政

趙

彥

趙州人宣德壬子舉人四川高縣令仁恕公廉百廢具舉郡守茹之削籍後四年芒部作亂筠珙琪諸彝望風從之招撫弗聽惟曰趙尹來即降於是辟彥彥至單騎往諭彝果降論功復為高令卒於官

杜

亨

字時泰太和人天順庚辰進士官至黎平知府所至以慈祥稱始為諸生勤學鄉試第一從諸父游宦洪峒僚屬子弟留之授舉子業縣人韓尚書文為童子亨識之於羣兒中亟授以經大器之及亨歸里居韓為雲南方伯禮遇篤至其孫偉復持節按部至郡亦躬求亨墓以辭祭之

雲南通志

卷之二十一

三

李

華

字子實郡人成化戊戌進士授密雲知縣陞太僕寺丞出守程蕃不赴或勸之曰吾寓京師有年幸博一第慰吾親始願畢矣貴賤榮辱何常之有竟不仕里巷優游如野老未嘗干人卒之日無以為殮貨其居以易棺

趙

弼

字廷直太和人成化辛丑進士由邯鄲知縣為太僕丞遂歸田躬耒耜之役屢跚泥潦中晏然自適同榜有姚祥者來為監司訪諸田間棄鋤於地見之姚問生事何窶曰差勝諸生時矣姚嘆謝而別有女不得於夫忽暴死夫家恐不知所措弼至謂婚曰生死命也其長厚類此

戴

仁

太和人成化甲午舉人累官鎮遠太守府舊例有羨稅四千餘金為交際需猶強半增稅額商賈患之仁至編稅為三百六十以足一年經費餘盡裁罷亦不自於當道

後進松茂兵備歸里不治第節賓於門設榻於屏自號無懷先生卒之日家無餘貲郡守吳晟泣數行下為之殯殮

包文偉 太和人成化丁酉舉人性嚴毅里中後進多從受業鄉試對闈宦策屬詞峻厲闈以為詈已恨甚尋授呈貢教諭一日闈以他事將召而辱之偉正色厲聲闈氣沮揖而遣之平居手不釋卷常製藥餌作橋梁以濟病及涉者

張敏 太和人景泰癸卯舉人官至叅政平蜀寇以功顯祀鄉賢

楊鼎 太和人弘治己酉舉人通判黃州以廉明稱致仕歸里四十餘年無老少賢不肖皆稱長者所著有南詔通紀壽至百歲

南詔通紀壽至百歲

李素 雲南縣人弘治乙卯舉人以教諭卓異遷御史擢江西按察司僉事所著有南

雲南通志

卷之二十一

鄉賢

三

巖奏議

張鳳羽 字拱辰大理人弘治戊午舉人為鄆都教諭士人貧不能婚葬者隨力助之歲

饑作粥以濟貧窶後遷資陽令明於斷獄守潼川值威茂張遊擊死吐蕃之難捧檄往勘

排浮議而白其忠至今里中稱王山先生云

趙儀 太和人弘治辛酉舉人任蜀中涪陵江陽皆祠名宦歷官二千石往回萬里不

借一馬一力於官有贈之者亦不受

周臣 字蓋臣雲南縣人正德丁丑進士任湖廣公安縣令性狷介好讀書改國子助

教致仕杜門謝客手不停披所著有翼聖傳春秋心傳蓋庵雜稿

屠巒 洱海人正德中令江夏以忤中使調蘆山令會天全蠻長攻城屠戮巒受令剿

捕俘其眾復所侵故地境內以寧及去邑人悲號為建祠置田報祀焉

鄒堯臣

趙州人嘉靖丙戌進士由御史歷叅藩皆有遺惠而邊功尤著丁艱歸遂不出

設義田立家塾宗族德之

高 封

太和人嘉靖乙未進士由行人為監察御史視鹺兩浙按閩風裁凜然捕治境

內豪強一空閩中至今稱之以直忤時謫州倅歷叅議雖政尚整肅而居鄉恂恂倡正學勵清修始終如一麗江土酋以重幣乞言却而不許

史旌賢

雲南縣人萬曆庚辰進士任內江有賢聲擢貴州道監察御史侍經筵歷七省

中憲致仕著述甚富人祀鄉賢

姬文業

雲南縣人萬曆辛卯舉人任應山令陞睢州知州少以孝行聞官以賢能著居

雲南通志

卷之二十一

鄉賢

四

里耿介不阿入祀鄉賢

熊俊臣

雲南縣人萬曆間任瑞州訓導陞羅平教諭宅裏正直立教有方瑞州祀名宦

本縣人鄉賢

李嗣善

太和人東之子以萬曆辛卯鄉舉為蜀閬中令治稱卓越入為宛平令有馮進

朝故王熙宮近侍也門下人王祿有細過朝怒撻之立斃事發案驗得實付法曹行令復覈朝素無長令直入縣堂喧罵未已嗣善叱左右執付獄獄將上胥吏陰人進朝金嗣善白京兆尹罪禡其役進朝不勝幽苦益麾金行賄謀以狀聞縣令小臣榜掠近侍誣指坐辟至無法請與令共對簿而大瑞又為進朝地人人危之謂聖怒不測臺諫言進朝罪狀顯白令執法固當於是法司始議嗣善奪俸不報後改奪職一級調外任而進朝止擬白

繁示調停始奉命旨嗣善以外調遂不復仕後召善為南司徒郎出權武林關未幾卒

永昌府

明

丁

嵩

保山人天性孝友事母陳曲盡子道家貧設科訓戚里子弟洪熙間舉懷才抱

德辭不就宣德間詔草野直言嵩上機務八策一曰正心術則天道應二曰重經筵則宗社福三曰開言路則聞見定四曰用賢才則政治美五曰總大綱則庶務舉六曰汰冗兵則軍儲足七曰重守令則邦本寧八曰崇節儉則財用足上嘉納徵之道病卒所著有橫

峯樵唱

滕 檣

字秀之郡人登進士歷南司徒清苦持重督運會計周悉且有特操隨以親老

雲南通志

卷之二十一

鄉賢

四

乞歸竟不起家居澹泊不治產業與人交平易可親非慶吊不出著有永昌百詠歸田錄等集

萬

綸

字允言郡人中成化丁酉舉人授湖廣武岡州學正陞翰林待詔歷官長史致

仕歸營先世丘隴外別無繕治內外兄弟族屬之貧者咸周給焉年八十六遍辭親友旬日而卒所著有西窓集妻王氏亦有月梅軒詩集

林

巒

字鍾秀郡人弘治辛酉舉人知廣西鬱林州廉介清苦值荒早捐金代貧民償

逋稅內艱歸至沙木和囊罄鄉人延為塾師資以館穀及服闋不能治裝郡士夫高其行誼助之行補賓州卒於官

張

鐘

字子鳴保山人為湖廣岳州推官倚伏巨奸不屈闕宦歷南工部膳郎以疾歸

居家十五年澹泊自如及卒惟
圖書數卷士林稱西村先生

戈

諫 郡人弘治甲子舉人歷太僕丞出為湖
廣僉事所至以廉幹稱曾擒捕巨寇賚

予有加歿與
祭社之例

吳

璋 字廷獻保山人中弘治己酉鄉試過浙
問學於王守仁居三年所養益粹授長

壽教諭倡明理學教人以致知力行
學者宗之稱執齋先生崇祀名宦

閃

鏜 字大聲郡人少負義氣為諸生時人有
竊其二馬者知其人不發正德丙子舉

鄉試仕至鄆都縣令居家
不治產業惟菽水奉親

張

合 字懋觀郡人志淳仲子十六舉鄉試第
一壬辰登進士授戶部主事歷湖廣副

使以疾歸是年卒性嗜學手不釋卷善書畫
權貴造請輒謝卻之居鄉不談公府事時欲

雲南通志

卷之二十一

鄉賢

四十一

清查彝田人心洶洶乃為書五千言達
之事遂寢所著有賁所文集由載諸書

吳宗堯

字協卿騰越人嘉靖癸卯舉人歷馬湖
同知補延平所至有賢聲終養歸嘗從

湛甘泉蔣道林遊講明正
學學者師之輯郡乘二集

邵惟中

郡人嘉靖丁未進士歷官岡鄉在朝以
才諳効命歸居里閭恂謹不敢上人有

先民遺度
祀鄉賢祠

張

含 字愈光保山人少舉於鄉不樂仕進游
梁宋間為李夢陽所知深加稱賞及歸

與楊慎友善學者稱禺山先
生所著詩文若干卷行於世

吳

崧 郡人嘉靖庚戌進士授刑部主事轉員
外知福州禦寇有功陞四川副使陳情

終養創義舍置學田
賑饑恤貧鄉人德之

薛繼茂 字懋敬郡人少刻厲有大志登萬曆癸未進士初令孝感調長樂憂歸補文安

詔為湖廣道御史慷慨言天下事不少隱諱如論郊廟不親請建國本諸事語皆懇直初

立封之議神宗謀於閣臣時王錫爵以為可及肯出舉朝力爭歸咎錫爵惟繼茂一疏最

和平又上書相國事得寢上綜覈於章奏獨於茂疏徑批後著敬謹不之罪也又疏出滇

臬李材獄按黔請增制額五人後為怨者所中削籍及追錄忠直贈光祿少卿

閃繼迪 年七十萬曆乙酉鄉薦仕吏部司務天

人諱漕澗賊臨城建義主剿施甸激變建議主撫皆中機宜鄉人立祠報德以子貴贈檢

討賜諭祭著羽岑園秋興吳越遊草諸集

王會圖 萬曆癸卯舉人知鹽山縣以卓異擢貴州道監察御史巡關權以直忤權璫績

雲南通志

卷之二十一

聖三

載太平鴻業

石應嵩 字澹寧郡人萬曆庚戌進士為江陵知縣操持嚴毅遇事剛斷豪猾歛跡會水

泛親督沙市居民障水作堤民免昏墊以堰塞呈吏議調靈寶縣礦徒數千人入其郭應

嵩登城拒之賊亦登嵩手刃二人指麾力戰賊大奔撫按以聞陞南武部主事浦口城為

南都保障江水浸囓南城盡圯部檄應嵩董役應嵩議先築堤障江苦無石乃登高相山

脉指一區掘之得石作堤七百餘丈叱咤指揮江霧未開即視事至夕不輟初議一而當

糜金錢五萬厥後三面俱新之計其工費僅四萬餘工垂成而嵩卒大司馬黃克瓚與民

部冬官合詞請贈卹

閃仲儼 繼迪長子仕至少詹禮部右侍郎兼翰林院侍讀學士枚卜一次官庶常時忤

雲南通志

卷之三十一

四

雲南通志

卷之三十一

四十五

四十餘年不輕入市一日遇鄉飲惡其簡禮卽不赴祀鄉賢

王鳴鳳

大姚縣人萬曆貢士幼事母以孝聞知府王鼎奇其學行為擇配既娶則一醜

女也公欲為更娶鳳曰不娶此女則終身失所公益奇之因其貧捐俸買田以助後膺貢謁選赴京從王守仁學又獻籌邊六策兵部奇其才旋除安福丞首却常規舉鄉約修文塔興水利立社倉後轉峩嶺令除前弊政以解煩苛作千金堤以興水利兩邑俱祀名宦萬曆四十五年祀鄉賢

陶希臯

字直南姚安所人萬曆癸酉舉於鄉從學於野江羅近溪及司鐸和含有精意

錄陞石阡推官發伏摘奸守永寧平賦役擒巨寇以剛直忤上官遷王府官歸里奉親課子踈族伯叔其無後者為任喪葬鄉里有不平者解其訟爭修學宮捐資倡首經營拮据

雲南通志

卷之二十一

鄉賢

四六

不遺餘力平差釁起軍與民交訐希臯抗論不阿幾為奸宄所中及事定而後德之祀鄉賢

陶珽

姚安所人萬曆庚戌進士孝友端方歷官有聲以詩字名海內建擴城議編郡

乘移泮宮周梓里賑族黨講學論文四方來從者衆崇祀鄉賢

鶴慶府

明

趙和

字達道郡人正統間以明經任貴州銅仁訓導教誨生徒恩義兼盡人信愛之

內艱服闋補四川建始訓導銅仁諸生上疏乞之許還舊任又外艱服滿當別補銅仁上疏請之復報可凡三任銅仁嚴矩範飭條約首以孝弟立教監士皆稱曰趙先生致仕歸生

徒泣送祀名宦後學道胡堯時榜其行於明倫堂

陸

經郡人成化丙午舉人弘治壬戌進士累官南兵部郎中賦性耿介常卻尹藩金

帛又卻上官餽金貧約終身卒之日棺殮不具祀鄉賢

趙子禧

字慶夫郡人和之子天性孝友多才藝年十九薦成化丁酉鄉魁司訓臨安克

端模範時有香趙之稱秩滿試吏部第一人超遷南陽府同知政績著異卒於官入臨安南陽兩地祠祀所著有碧莎蛙鳴二集

張

勉字希安劍川人弘治戊午舉人任黔江知縣饒膽畧縣有巨寇數年不能平勉

至纔彌月計擒渠魁時督責挖運甚急民且逃散勉止之曰吾能為汝達之遂力請於上果得減徵民乃安集明年卒於官將屬續其妻問何以歸憫曰寄葬重慶不然化骨或驚

雲南通志

卷之二十一

鄉賢

四七

子士民哀之立祠以祀鄉子弟受其教者稱為龍溪先生

朱

珮字鳴朝鶴慶人正德辛巳進士初任大理寺評事多平反冤獄出為貴州僉

事調停驛傳民用以安計縛元惡不費兵餉歷湖廣副使剔豪右增隄防三年陞廣東叅政值盜起設謀禦之絕其汲道皆歸降又以計畧平定交南莫登庸等逆陞陝西按察使乞休居鄉恂恂若未嘗有官者

楊

鑰劍川人嘉靖癸卯舉人丁未進士聰穎剛方不隨流俗理學為上人宗任工部

郎中以修孝陵勞瘁卒於崇禎辛未請祀鄉賢

查

偉郡人隆慶丁卯舉人歷官戶部郎出為真定知府再補保寧知府所至以廉靜

稱及居鄉謙和接物人咸服其雅量辛酉祀鄉賢

吳堯弼

字宗舜郡人萬曆丙子舉人丁丑進士

京因留養焉溫清之外無私謁散館改兵部郎主武選抑強植弱出為僉憲督學貴州嚴

冒籍禁時直指某庇其鄉人弼不可遂中傷之廷議知弼冤寢不行尋內艱服滿補四川

僉憲備兵安綿安綿蕃彝門戶也弼撫馭有要蕃人誓不復反民賴以安後卒於官綿人祀入名宦弼敷釐二十載家無厚產丁卯祀鄉賢

楊

提

字漸高郡人萬曆戊子舉人任泌陽諭吏部陳民志甚器重之外艱服滿補鳳

陽諭遷桂東令桂東苦瘴人死不知醫提置藥局所活無算邑賦歲飽奸胥提覈其久占者三人置之法邑逋迺帖然輸焉邑故無科日子衿橫豪提教之始恂恂知向學後移西安郡丞一攝渭篆再攝邠多惠政秦人德之以勞卒於官提生平讀書以體認為功其學

雲南通志

卷之二十一

鄉賢

吳

有體用相國李標為之傳祀鄉賢

閔宗聖

字心遇郡人溫醇孝友萬曆壬午鄉薦常置義田以贍族分廩讓田於其友時

論高其誼署咸陽學盡心教士周恤孤寒遷榮昌令多惠政大工掄材采運如數民不稱擾邑有大憝人莫敢櫻聖寘之法榮人稱快會征楊應龍竭力王事卒聖家本裕反以官貧崇祀榮昌名宦入郡鄉賢

趙捷

字習南郡人清貧力學領萬曆壬午鄉薦為任宜良諭文藝器識為多士楷模尋

徵北雍助教善教不倦出知瑞州府同攝高安篆多惠政時有大牒株連數十人羅織成獄捷坐殺人者餘杖釋之上官不可捷力爭曰殺人以媚人捷死不能上官啣之捷既耿介不屑趨承復淡於仕進會遷長史遂致仕歸林卧二十載杜門掃軌課兒孫外無他營

也乙亥
祀鄉賢

梁州彥

郡人萬曆癸丑進士尹江夏念親老欲

於地爭調華陽華陽夙號巖劇彥勵精為之
百務具興百弊盡革每大牒片言而折其明
敏如此在任五年一塵不染入覲以治行卓
異留部考選彥復念二親乞假歸未竟厥施
而卒祀
鄉賢

楊方盛

字大豫萬曆丙辰會魁初授湖廣大治
令邑多巨猾獷悍難治不數月刑清訟

理考選山西道御史巡按河南別蠹錮奸歷
見丰采巡視長蘆鹽政巨商斂手補京畿道
適遇黔中奢安之叛條陳安邊調援剿賊開
路請疏廷議偉之隨遷太僕寺少卿提督西
路馬政多蕃息無虛耗遷右通政歷應天府
尹以惇大持體多有政聲崇禎壬午擢南戶

雲南通志

卷之二十一

鄉賢

四九

部右侍郎兼都御史總督糧儲值國事艱難
各省南糧飛輓不繼羽檄紛馳多方措置癸
未告歸濟貧乏敦族閭優
游泉石間年七十一卒

楊應宿

字斗瞻郡人萬曆壬戌進士歷員外郎
中空運通州轉輸如法陋規宿弊釐剔

殆盡出守成都百務自裁苞苴概罷深獲士
民心以內艱柴毀骨立匍匐間關歸爭卒祀
鄉賢

陳奇猷

字大甫劍川人萬曆壬戌進士性長厚
為諸生時拾遺金歸其主先授中書繼

拜御史疏陳滇事極屬宥竅視節慎庫以清
慎聞以貪穢彈主政後為所擠落職歸卒於
途祀
鄉賢

順寧府

明

猛 蓋 郡人襲土知府恩

猛 卿 字堯佐郡人通書史嗣土官
嘉靖丁亥以武舉功賜銀幣

蒙化府

明

丁 泉 字德輝成化戊戌進士由武選郎歷貴州石阡知府先是苗叛府治學宮壇廟

郵傳倉廩盡成灰燼泉以次修復設鐘鼓警昏夜賑窮恤士收招流移卒於官有烈風星殞之異觀歸囊無餘貲惟遺稿公餘清談耳

劉 揮 字本忠郡人歲貢任雅州司訓恂恂雅飭學問淵弘迷渡市舊不知學揮開館

雲南通志

卷之二十一

鄉賢

辛

教讀變其風俗凡冠婚喪祭之禮皆所講明維持風化揮之力也

本朝

張芳譽 郡人順治十六年貢誠信仁慈端淑樂善凡貧乏婚喪皆默有助郎囹圄乞丐

親給錢米力行不倦年過七十猶手錄格言傳播遠邇雖嚴冬酷暑課誦不遑康熙九年通學公舉德行督學壽以仁旌曰德隆望重壽八十卒

永寧府

明

各吉八合 父上郡各吉仕元為永寧州知州洪武間八合領兵歸順至永樂四年諭

西番入覲改陞永寧府知府世其官

麗江府

元

麥

良

宗子附世祖為茶罕章管民官從剋大理擒段興智功列兀良合台之右以副

元帥佩虎符鎮麼些又破鐵橋城華馬國加授銀印為提調諸路長官司

雲南通志

卷之二十一

鄉賢

五